

PERATURAN PENGGUNAAN IPAD OLEH PELAJAR
MRSMP TAIPING, PERAK 2020

JUSTIFIKASI PENGGUNAAN IPAD

1. Sejajar dengan pelaksanaan konsep smart school yang telah diperkenalkan oleh MARA.
2. Menambah keberkesanan dan kualiti pengajaran dan pembelajaran di MRSMP.
3. Memanfaatkan kecanggihan teknologi terkini secara berkesan.

PERLAKSANAAN STANDARD OPERATING PROCEDURES (S.O.P)
PENGGUNAAN IPAD

1. Penggunaan iPad hendaklah didaftar melalui unit ICT MRSMP Taiping, Perak.
2. Bayaran sebanyak RM20.00 setahun (RM 10 per semester) akan dikenakan. Bayaran ini adalah untuk kos pengurusan (pelekat dan resit) serta kos pengecasan (elektrik).
3. iPad akan dilabel dengan pelekat khas. Jika hilang, pelajar dkehendaki mendaftar semula dengan bayaran RM10.00.
4. Pendaftaran perlu dibuat setiap semester baru bermula.
5. Pelajar perlu menandatangani Aku Janji Pematuhan Syarat Penggunaan iPad semasa pendaftaran dibuat.

SYARAT PENGGUNAAN

1. Pelajar hanya dibenarkan mendaftar/ membawa/ menggunakan **SEBUAH iPad** sahaja dan telah berdaftar serta mempunyai pelekat pengesahan maktab sahaja.

2. Pelajar **TIDAK DIBENARKAN** sama sekali membuat penyambungan wayar secara haram pada alat kelengkapan elektrik untuk tujuan mengecas iPad.
3. Pelajar **DILARANG** menggunakan iPad untuk tujuan;
 - i. bermain game dan melayari laman web yang dilarang dibawah Suruhanjaya Komunikasi dan Multimedia Malaysia (SKMM)
 - ii. membuat rakaman video atau gambar tanpa kebenaran guru.
 - iii. memuat naik status, gambar, video dan apa-apa sahaja bahan yang boleh mencemarkan imej individu, maktab atau MARA di media sosial.
4. Masa penggunaan adalah seperti berikut ;

HARI	Program / masa
Isnin - Jumaat	Waktu akademik* (7.30 pg - 2.00 ptg, 3.00 ptg - 4.30 ptg , 9.00 mlm - 10.30 mlm) Waktu riadah (5.00 ptg - 6.30 ptg)
Sabtu	Selepas selesai program Gemilang* / prep pagi (10.30 pg - 10.30 mlm).
Ahad	Selepas selesai program Asrama (10.30 pg - 10.30 mlm).
Cuti Umum	Dibenarkan sekiranya tiada program rasmi (10.30 pg - 10.30 mlm).*

*Tertakluk kepada masa program berakhir

5. Penggunaan iPad adalah tanggungjawab pihak pelajar sendiri. Pihak maktab **TIDAK** akan bertanggungjawab ke atas apa-apa juga kerosakan, kehilangan atau akibat daripada penggunaan tersebut.

6. Pihak maktab **TIDAK** akan bertanggungjawab, menanggung kos atau terbeban atas apa jua jenis kemalangan atau musibah akibat daripada penggunaan iPAD oleh pihak pelajar.
7. Pihak maktab **BERHAK** untuk mengambil iPAD pelajar bagi tujuan pemeriksaan tanpa perlu kebenaran atau dimaklumkan atau sebaliknya kepada pemiliknya pada bila-bila masa atau tempat yang difikirkan perlu.
8. Pihak maktab berkuasa/ berhak/ boleh mengambil tindakan bagi penggunaan iPAD yang difikirkan **TIDAK BERMORAL** atau **MELANGGAR SYARAT** dan peraturan penggunaan ipad. Antaranya;
 - i. Mengandungi unsur-unsur lucah atau tidak bermoral (cth: black metal) sama ada dalam bentuk teks/ gambar/video/ audio.
 - ii. Mengandungi unsur-unsur mencaci/memalukan /menjatuhkan/ mengugut/ mengancam keselamatan maktab, pihak pengurusan, guru-guru dan kakitangan.
 - iii. Merancang pencerobohan kawasan larangan, perjumpaan di antara berlainan jantina atau perancangan untuk mencuri, memukul, bergaduh, mengugut dan seumpamanya.
 - iv. Menyalin, menyimpan atau menyebar gambar orang yang berlainan jantina atau gambar sendiri yang tidak menutup aurat/ menjolok mata/ berkelakuan tidak senonoh dan tidak sopan.
9. Pemilik iPAD adalah **TERTAKLUK** kepada sebarang perubahan peraturan penggunaan dari masa ke semasa.
10. Penggubalan/penguatkuasaan peraturan-peraturan baru adalah di bawah takluk kuasa maktab. Penggubalan/penguatkuasaan mana-
mana peraturan yang difikirkan perlu boleh dilakukan **TANPA** perlu mendapatkan persetujuan atau memaklumkan terlebih dahulu kepada pihak terlibat.
11. iPAD yang dirampas akan dilabel, direkod dan disimpan di bawah pemantauan Pengetua /Timbalan Pengetua Pembangunan Pelajar (TPPP).
12. Pelanggaran mana-mana peraturan yang dinyatakan diatas akan mengakibatkan pelajar boleh dikenakan tindakan tatatertib seperti yang tercatat di dalam Buku Panduan Pengurusan Disiplin Pelajar mengikut peraturan berikut:
 - i. Peringkat pertama diberi amaran dan dikenakan surat saman.
 - ii. Peringkat kedua Ipad akan dirampas dan dimaklumkan kepada ibu bapa.
 - iii. Peringkat ketiga dikenakan tindakan Jemaah Disiplin pelajar (JDM).
13. Pemulangan hanya akan diberikan kepada pemilik asal selepas **selesai proses perbicaraan Jemaah Disiplin Maktab (JDM)** bersidang.